

McCLAIN TA BAI CU PENSIOEN



ORANJESTAD [AAN]-Na aña 1947 Pastor Robert y Margaret McClain a yega Aruba cu meta di anuncia e "Evangelio di Señor Jesu-Cristo" y funda iglesianan di Aliansa Evangelica.

November 1952 pa Mei 1954 Pastor McClain den un comité a revisá manuscrito di Salmo, Proverbionan y Genesis cu a wordu gedrukt cu un stencil machine. Esaki a socede ariba di e edificio di Antillian Mercantile den Havenstraat, unda Zondagschool a cuminsa. E Iglesia Aliansa Evangelica di Playa a wordu traha na aña 1954, y e dedicacion di e Iglesia unda Pastor McClain a sirbi, tabata dia 9 di Juli di 1955. E Iglesia Aliansa Evangelica di Playa ta situa den C.Huygenstraat, Mon Plaisir.

Na aña 1956 Pastor McClain huntu cu otro nan a traha cu un memograph riba lesnan y tractado di Bijbel.

For di 1947 te cu 1958 Pastoor McClain a traha na Playa y partinan ey banda.

For di 1961 Srta. Millie a bin traha na Radio Victoria. Su trabao tabata encera programa pa mucha y damanan y varios otro programa mas. Riba dia 30 di September di 1967 Pastoor McClain y Millie a casa.

Januari 1974 Famia McClain a sigui cu e obra di Pos Chiquito, unda tabata Zondagschool pa muchanan. Casi 13 aña

Pastor McClain a traha na Pos Chiquito, Iglesia Aliansa Evangelica Bon Nobo. Pastor Eusebio Petrona ta encarga cu e Iglesia aki actualmente.

Aña 1986 Pastor McClain a cuminsa funda un otro Iglesia na San Nicolas pariba. E Iglesia aki ta situa na Weg Fontein, San-Nicolas.

For di aña 1974 Pastor McClain ta publicando tur siman den diferente courant articulonan actual referiendo kiko "Palabra di Dios" (Bijbel) ta bisa tocante cierto topiconan.

McClain ta hopi conoci rond Aruba, y ta bishita hopi famia (incluyendo hospital) tur siman, y ta yuda hopi hende den nan bida Spiritual. Pueblo di Aruba lo sinti hopi falta di Pastor McClain y Millie.

Diabiernes 14 di Juni pa



Sales people and OPC's wanted

Top commissions paid,
experience preferred, training is available

CARIBBEAN PALM VILLAGE

For appointments call 32700

Mary Croes

7:30 pm lo tin un fiesta di Homenaje na famia McClain, den Iglesia Aliansa Evangelica di Playa. Tur hende ta invita y ta Bon Bini.

Pastor McClain y Millie lo bai cu pension dia 28 di Juni. Nan lo regresa nan pais y lo bai biba na Florida, Merca. Nos deseo ta cu Dios lo sigui bendiciona nan na Merca. Amigo y Rumannan, Robert McClain y Millie McClain a duna mas cu cuarenta aña di nan bida na bienestar spiritual di Aruba.

Laga nos bini hunto pa expresa nos gratitud y apoyo na momento cu nan ta bai retira, esta dia 14 di Juni pa 7:30 di anochi. LUGAR; Iglesia Alianza Evangelica, Oranjestad, na Constantijn Huygenstraat 17.